

ხელშეკრულება
სახელმწიფო შესყიდვის შესახებ №ტ-18/2021

ქ.თბილისი

“ 15 ” ნოემბერი 2021 წ.

შ.პ.ს. “საქართველოს ტელერადიოცენტრი” (შემდეგ – “შემსყიდველი”) წარმოდგენილი მისი დირექტორის გიორგი დეკანოზიძის სახით და მეორეს მხრივ, შ.პ.ს. “მოგზაური” (შემდგომში – “მიმწოდებელი”) წარმოდგენილი მისი დირექტორის მამუკა ნიკოლაძის სახით, “სახელმწიფო შესყიდვების შესახებ” საქართველოს კანონის და უსაფრთხოების მოწყობილობების სახელმწიფო შესყიდვის მიზნით **№SPA210002850** ელექტრონული ტენდერის ჩატარების შედეგად, პრეტენდენტის მიერ წარმოდგენილი სატენდერო წინადადების საფუძველზე, ვდებთ წინამდებარე სახელმწიფო შესყიდვის შესახებ ხელშეკრულებას.

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

“ხელშეკრულება სახელმწიფო შესყიდვის შესახებ” (შემდგომში - “ხელშეკრულება”) – “სახელმწიფო შესყიდვების შესახებ” საქართველოს კანონის ფარგლებში შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

“შემსყიდველი” – ორგანიზაცია (საწარმო), რომელიც ახორციელებს შესყიდვას.

“მიმწოდებელი” – პირი, რომელიც ახორციელებს მომსახურებას ხელშეკრულების ფარგლებში.

“ხელშეკრულების ღირებულება” – საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნითი შესრულებისათვის; “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საგანია ელექტრონული ტენდერის საშუალებით უსაფრთხოების მოწყობილობების შესყიდვა, წინამდებარე ხელშეკრულებით და მისი დანართებით გათვალისწინებული პირობების შესაბამისად. (CPV კოდი – **35100000 საგანგებო სიტუაციებისა და უსაფრთხოების მოწყობილობების, კერძოდ CPV კოდი – 35113000 უსაფრთხოების მოწყობილობები**);
- 2.2. ხელშეკრულებით გათვალისწინებული შესყიდვის ობიექტის ზუსტი დასახელებები, და სხვა ინფორმაცია (რაოდენობა და ფასი ერთეულის მიხედვით) მოცემულია წინამდებარე ხელშეკრულების დანართებში (დანართი №1 – სატენდერო პირობები და დანართი №2 – შპს “მოგზაური”-ს სატენდერო წინადადება), რომლებიც წარმოადგენენ ხელშეკრულების განუყოფელ ნაწილს.

3. ხელშეკრულების ღირებულება

- 3.1. შესყიდვის ობიექტის (მისაწოდებელი საქონლის) ღირებულება განისაზღვრება ლარებში და შეადგენს **5190 (ხუთიათას ასოთხმოცდაათი) ლარს** და მოიცავს საქონლის მიწოდებასთან დაკავშირებულ ყველა ხარჯს, საქართველოს კანონმდებლობით გათვალისწინებულ ყველა გადასახადს, რომლის გადახდაც ეკისრება მიმწოდებელს, დღგ-ს ჩათვლით.
- 3.2. წინამდებარე ხელშეკრულების ღირებულების დაფინანსების წყაროა შემსყიდველის 2021 წლის შემოსავლები – საკუთარი სახსრები.

4. მხარეთა ვალდებულებები

- 4.1 მიმწოდებელი ვალდებულია ამ ხელშეკრულებით დადგენილ ვადებში განხორციელოს შესყიდვის ობიექტის მიწოდება, ამავე ხელშეკრულებით და მისი დანართებით განსაზღვრული პარამეტრების დაცვით. იგი პასუხისმგებელია მიწოდებული საქონლის ხარისხსა და ვარგისიანობაზე.
- 4.2 შემსყიდველი უფლებამოსილია უარი განაცხადოს უხარისხო საქონლის მიღებაზე.
- 4.3 შემსყიდველს უფლება აქვს შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.
- 4.4 შემსყიდველი ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას მიწოდებული საქონლის ღირებულება.
- 4.5 თითოეულ მხარეს უფლება აქვს მოითხოვოს მეორე მხარისაგან ამ ხელშეკრულებით ნაკისრი ვალდებულებების დროულად, ჯეროვნად და კეთილსინდისიერად შესრულება.
- 4.6 თითოეულ მხარეს უფლება აქვს მოითხოვოს და მიიღოს მეორე მხარის მიერ ამ ხელშეკრულებით ნაკისრი ვალდებულებების შეუსრულებლობით, ან მათი არაჯეროვნად, არაკეთილსინდისიერად ან/და არადროულად შესრულებით გამოწვეული ზიანის ანაზღაურება.

5. შესყიდვის ობიექტის მიღება-ჩაბარების წესი

- 5.1 საქონელი მიწოდებული იქნება შემდეგ მისამართზე: ქთბილისი, მთაწმინდა, ფუნიკულიორის ზედა პლატო, შ.პ.ს. “საქართველოს ტელერადიოცენტრი”-ს სათავო ოფისის ტერიტორია.
- 5.2 შესყიდვის ობიექტის (საქონლის) მიწოდება შესაძლებელია განხორციელდეს როგორც ერთჯერადად, ისე ეტაპობრივად, თუმცა ნებისმიერ შემთხვევაში შესყიდვის ობიექტის მიწოდება უნდა განხორციელდეს ხელშეკრულების დადებიდან არაუგვიანეს 30 კალენდარული დღის ვადაში. შესყიდვის ობიექტი უნდა იყოს ახალი (უხმარი-ექსპლუატაციაში არმყოფი) და მას უნდა გააჩნდეს სატენდერო პირობების 1.2 პუნქტით გათვალისწინებული მწარმოებლის (ქარხნული) წარწერა ან/და სტიკერი ან/და იარლიყი, რომლითაც განხორციელდება საქონლის იდენტიფიცირება;
- 5.3 შესყიდვის ობიექტი მიწოდებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდგომ, რომლის საფუძველია ამ ხელშეკრულების 5.4. პუნქტით გათვალისწინებული სასაქონლო ზედნადები და სატენდერო პირობების 1.2 პუნქტით გათვალისწინებული მწარმოებლის (ქარხნული) წარწერა ან/და სტიკერი ან/და იარლიყი;
- 5.4 მიწოდების პარალელურად მიმწოდებელმა უნდა წარმოადგინოს შესაბამისი სასაქონლო ზედნადები და საგადასახადო ანგარიშ-ფაქტურა (სასაქონლო ზედნადები და ანგარიშ-ფაქტურა შესაძლებელია წარმოდგენილ იქნეს ელექტრონული ფორმით).
- 5.5 შემსყიდველის მხრიდან მიღება-ჩაბარების აქტის გაფორმებასა და ხელმოწერას უზრუნველყოფენ: თ.სვანიძე ან/და დირექტორის სპეციალური ბრძანებით განსაზღვრული სხვა უფლებამოსილი პირი.

6. ხელშეკრულების შესრულების კონტროლი

- 6.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განხორციელებს შემსყიდველი საწარმოს ინსპექტირების ჯგუფი შემდეგ თანამშრომელთა შემადგენლობით: თ.სვანიძე, ზ.მარგიშვილი;

7. გაწეული მომსახურების ხარისხი და გარანტია

- 7.1 მიმწოდებელი იძლევა გარანტიას, რომ ხელშეკრულების ფარგლებში მიწოდებული საქონელი შეესაბამება სატენდერო პირობებით, მიმწოდებლის სატენდერო წინადადებით და ამ ხელშეკრულებით განსაზღვრულ მოთხოვნებს.

- 7.2 მიმწოდებელი იძლევა გარანტიას, რომ მის მიერ მიწოდებული საქონელს არ გააჩნია რაიმე ნაკლი ან დეფექტი და იქნება ვარგისი თავისი დანიშნულებით გამოყენებისათვის, წინააღმდეგ შემთხვევაში მიმწოდებელი იღებს ვალდებულებას, რომ ბრალეული გაჭიანურების გარეშე, საკუთარი სახსრებითა და რესურსებით უსასყიდლოდ შეცვალოს საქონელი. წინააღმდეგ შემთხვევაში მიმწოდებლის ქმედება კლასიფიცირდება როგორც ხელშეკრულების პირობების შეუსრულებლობა, და მასზე გავრცელდება საქართველოს კანონმდებლობით და ამ ხელშეკრულებით გათვალისწინებული პასუხისმგებლობისა და სანქციების საკითხები. საგარანტიო პირობები ძალაშია შემსყიდველის მიერ შესყიდვის ობიექტის ექსპლუატაციის წესების დაცვის შემთხვევაში.
- 7.3 ამ ხელშეკრულების 7.2. პუნქტის მოქმედება ძალაშია მხოლოდ მიწოდებული საქონლის საგარანტიო ვადის განმავლობაში, სატენდერო პირობებით და მიმწოდებლის სატენდერო წინადადებით განსაზღვრული საგარანტიო პირობების ფარგლებში (სატენდერო პირობების 1.7.1 პუნქტი) წინამდებარე ხელშეკრულების მოქმედების ვადის ამოწურვის მიუხედავად, მიმწოდებელი ვალდებულია შეასრულოს საგარანტიო მომსახურება გარანტიის პერიოდის ამოწურვამდე.

8. ანგარიშსწორება

- 8.1 ანგარიშსწორება მიმწოდებელთან განხორციელდება ღარებში, უნაღდო ანგარიშწორებით, მიმწოდებლის საბანკო ანგარიშზე თანხის გადარიცხვით.
- 8.2 ანგარიშსწორება განხორციელდება მიწოდებული საქონლის ოდენობის შესაბამისად, ამ ხელშეკრულების მე-5 მუხლით გათვალისწინებული დოკუმენტების სრულყოფილად წარმოდგენიდან 10 დღის ვადაში. ამ პუნქტით გათვალისწინებული დოკუმენტების წარმოდგენლობის შემთხვევაში, შემსყიდველი არ მოახდენს ანგარიშსწორებას მიმწოდებელთან.

9. ფასები

- 9.1 წინამდებარე ხელშეკრულების მე-3 მუხლში დაფიქსირებული შესყიდვის ობიექტის (მისაწოდებელი საქონლის) ღირებულება წარმოადგენს ხელშეკრულების ღირებულებით პარამეტრს და მისი შეცვლა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.2 ამ ხელშეკრულების 9.1. პუნქტის შესაბამისად, ღირებულების გაზრდა დასაშვებია მაქსიმუმ 10%-ის ფარგლებში (და ისიც მხოლოდ მაშინ, როცა აუცილებელი ცვლილება აღემატება 5%-ს), ამასთან მიმწოდებელი ვალდებულია ფაქტობრივად (შესაბამისი დოკუმენტების წარმოდგენის აუცილებელი პირობით) დაადასტუროს ფასის გაზრდის საფუძვლის დადგომა. ხელშეკრულების ფასის გაზრდა აუცილებლად უნდა გაფორმდეს დამატებითი შეთანხმების აქტის ფორმით და თან დაერთოს ხელშეკრულებას.
- 9.3 ამ მუხლით გათვალისწინებული საფუძვლით ფასის გაზრდის შემთხვევაში, შემსყიდველს უფლება აქვს არ დაეთანხმოს მიმწოდებელს და მოითხოვოს ხელშეკრულების ვადაზე ადრე გაუქმება, ამასთან უნდა უზრუნველყოს ფაქტიურად მოწოდებული საქონლის შესაბამისი ანგარიშსწორება ამ ხელშეკრულების მე-8 მუხლის შესაბამისად.

10. ხელშეკრულებაში ცვლილებების შეტანა

- 10.1 ხელშეკრულების პირობების გადასინჯვასთან დაკავშირებული ურთიერთობები რეგულირდება მოქმედი კანონმდებლობით.
- 10.2 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 10.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს

რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

- 10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 10.5 დაუშვებელია ხელშეკრულების პირობების შეცვლა, თუ ამ ცვლილების შედეგად უარესდება ხელშეკრულების პირობები შემსყიდველი ორგანიზაციისათვის, გარდა ამ ხელშეკრულების მე-9 მუხლით გათვალისწინებული შემთხვევისა.

11. უფლების გადაცემა

- 11.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

12. ფორს-მაჟორი

- 12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 12.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.
- 12.3. ფორს-მაჟორული გარემოების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ, ბრალეული გაჭიანურების გარეშე, უნდა გაუგზავნოს მეორე მხარეს წერილობითი შეტყობინება ასეთი გარემოებების, მათი გამოწვევი მიზეზების და აღმოფხვრის სავარაუდო ვადის შესახებ (თუ ეს ყოველივე პროგნოზირებადია).
- 12.4. ამ მუხლის შესაბამისად წარმოშობილი ფორს-მაჟორული გარემოებების შემთხვევაში, ხელშეკრულების შესრულების ვადა (ხელშეკრულებით ნაკისრი ვალდებულებების შესრულების ვადა) გადაიწვევს შესაბამისი დროით, გარემოებათა დასრულების შემდეგ.
- 12.5. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 30 კალენდარულ დღეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13. მხარეთა პასუხისმგებლობა ხელშეკრულების პირობების დარღვევისათვის

- 13.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 13.2. თუ ხელშეკრულების რომელიმე მხარე დაარღვევს წინამდებარე ხელშეკრულებით ნაკისრ ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შეუსრულებლობისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 13.3. ხელშეკრულების მოქმედების პერიოდში მიმწოდებლის მხრიდან საქონლის მიწოდებისათვის ამ ხელშეკრულებით გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველ გადაცილებულ დღეზე ხელშეკრულების საერთო ღირებულების 0,02%-ის ოდენობით.

- 13.4. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, პირგასამტეხლოს გადახდა განხორციელდება მიმწოდებელზე ხელშეკრულებით გადასახდელი თანხიდან გამოკეთების საშუალებით.
- 13.5. შემყიდველის მიერ ხელშეკრულების 8.2. პუნქტით გათვალისწინებული ვადის დარღვევის შემთხვევაში მას დაეკისრება პირგასამტეხლო ყოველ გადაცილებულ დღეზე ხელშეკრულების საერთო ღირებულების 0,02%-ის ოდენობით.
- 13.6. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 13.7. იმ შემთხვევაში, თუკი ხელშეკრულების რომელიმე მხარეზე დაკისრებული პირგასამტეხლო გადაატარებს ხელშეკრულების საერთო ღირებულების 3%-ს, მეორე მხარეს უფლება აქვს ცალმხრივად მოითხოვოს ხელშეკრულების მოშლა და მიყენებული ზიანის ანაზღაურება.

14. ხელშეკრულების შეწყვეტა

- 14.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 14.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიწოდოს მეორე მხარეს გადაწყვეტილების ძალაში შესვლამდე მინიმუმ 10 დღით ადრე.
- 14.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 14.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისთვის გათვალისწინებული პასუხისმგებლობისაგან.
- 14.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) თუ მიმწოდებელს ხელშეკრულებით გათვალისწინებულ ვადებში არ შეუძლია მიაწოდოს მთელი საქონელი ან მისი ნაწილი;
 - გ) თუ აღმოჩნდება, რომ მიმწოდებლის მიერ ფაქტიურად მიწოდებული საქონლის ხარისხი ან/და მახასიათებლები არ შეესაბამება უშუალოდ ტექნიკურ დოკუმენტაციის მოთხოვნებს ან/და ამ ხელშეკრულების მე-7 მუხლით მოცემულ გარანტიას; ამასთან, მიმწოდებელი ან/ვერ უზრუნველყოფს საქონლის შეცვლა/ჩანაცვლებას არსებულ მოთხოვნებთან შესაბამისობაში მოყვანის მიზნით;
 - დ) ამ ხელშეკრულების 13.7 პუნქტით გათვალისწინებულ შემთხვევაში.
 - ე) კანონმდებლობით გათვალისწინებულ სხვა შემთხვევებში;

15. დავების გადაწყვეტის წესი

- 15.1 ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა პირდაპირი არაოფიციალური მოლაპარაკების მეშვეობით, შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.
- 15.2 მხარეთა შორის შეთანხმების მიუღწევლობის შემთხვევაში საკითხის დავის გადაწყვეტის შესახებ გადაეცემა სასამართლოს.

16. სხვა პირობები

- 16.1. წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს მიმწოდებლის მიერ ნაკისრი ვალდებულებების სრულად შესრულებიდან 30 კალენდარული დღის განმავლობაში (ელექტრონული ტენდერის ჩატარების წესის 33-ე მუხლის მე-6 პუნქტის მოთხოვნათა გათვალისწინებით), თუმცა არაუგვიანეს 2022 წლის 31 იანვრისა.
- 16.2. ამ ხელშეკრულების 16.1. პუნქტში მოცემული მოქმედების ვადის ამოწურვის შემთხვევაში, ამ ხელშეკრულების მე-7 მუხლით განსაზღვრული პირობა ძალაშია ამავე მუხლით განსაზღვრული პერიოდის დასრულებამდე.
- 16.3. ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად.
- 16.4. ხელშეკრულების განუყოფელი ნაწილია მისი დანართები: დანართი №1: სატენდერო პირობები – “5” ფურცლად და დანართი №2: შპს “მოგზაური“-ს სატენდერო წინადადება – “ 2 ” ფურცლად.
- 16.5. ხელშეკრულებითა და მისი დანართებით გათვალისწინებულ დებულებებს (განსაზღვრებებს) შორის ნებისმიერი შეუსაბამობის შემთხვევაში, ერთმანეთთან მიმართებაში უპირატესობა განისაზღვრება შემდეგი თანმიმდევრობით: 1. ხელშეკრულება; 2. დანართი №1; 3. დანართი №2;

17. მხარეთა ხელმოწერა და რეკვიზიტები

“შემსყიდველი”

“მიმწოდებელი”

შ.პ.ს. “საქართველოს ტელერადიოცენტრი”
მთაწმინდა, ფუნიკულიორის ზედა პლატო;
საიდენტიფიკაციო № 203829250;
სს “საქართველოს ბანკი”, კოდი: BAGAGE22
ანგ№GE78BG0000000181761401;
ტელ: 2506330; 595935893;

შ.პ.ს. “მოგზაური”
ქ.თბილისი, ვაჟა-ფშაველას გამზ.ნაკვ. კორპ 10. ბ36;
საიდენტიფიკაციო № 205026675;
სს “თიბისი ბანკი”, კოდი: TBCBGE22
ანგ№GE43TB7094336020100008;
ტელ: 599 547500; ელ.ფოსტა: info@mogzauri.ge

დირექტორი

დირექტორი

----- /გ.დეკანოზიძე/

----- /მ.ნიკოლაძე/

შესყიდვის ობიექტის აღწერასთან დაკავშირებული ინფორმაცია

1.1 შესყიდვის ობიექტის დასახელება

შესყიდვის ობიექტია უსაფრთხოების მოწყობილობები;

1.2 საქონლის ტექნიკური პარამეტრები/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

1. დაცვის ქამარი (ჩასაჯდომი და მკერდის) - 2 ცალი

კომფორტული ჩასაჯდომი დაცვის ქამარი მუშაობის დროს პოზიციონირებისთვის და დასაკიდებლად. მინიმალური ტექნიკური მოთხოვნები:

კომფორტული ჩასაჯდომი დაცვის ქამარი მუშაობის დროს პოზიციონირებისთვის და დასაკიდებლად. სპეციფიკაციები: ვენტრალური (მუცლის)

მიმაგრების წერტილით: მიერთება დასაშვებ მოწყობილობასთან ან პოზიციონირების ღვედთან ერთ რეჟიმში გამოსაყენებლად. გვერდითი მიმაგრების

წერტილებით: მიერთება პოზიციონირების ღვედთან ორმაგ რეჟიმში გამოსაყენებლად. უკანა მიერთების წერტილით წელის ქამარზე მისაბმელ (შემოსაჭერ)

ღვედთან მისაბმარებლად. მასალა: ნეილონი, პოლიესტერი, ალუმინი, ფოლადი. წონა: 1150 გრ-დან 1200გრ-მდე. მკერდის დაცვის ქამარი ჩასაჯდომი დაცვის

ქამრებისთვის. სპეციფიკაციები: მასალა - ნეილონი, პოლიესტერი, ალუმინი, ფოლადი. ჩასაჯდომ ქამრებს უერთდება უკანა მიმაგრების წერტილებით და

იკვრება მუცელთან. მხრების სარტყელების თვითჩამკეტი ორმაგი ბალეთით უფრო ადვილი გახსნა-ჩაკეტვისთვის. წონა: 620 გრ-დან 700გრ-მდე.

შესყიდვის ობიექტს უნდა გააჩნდეს EN358, EN813 (ქვედას) და EN361 (ზედას) სერთიფიკატები;

2. კარაზინი - 9 ცალი

მინიმალური ტექნიკური მოთხოვნები: კარაზინი ავტომატური ჩამკეტით. წონა: 70 გრ-დან 80გრ-მდე. გამძლეობა მთავარი ღერძის მიმართულებით:

არანაკლებ 24კნ. გამძლეობა მცირე ღერძის მიმართულებით: არანაკლებ 7 კნ. გამძლეობა კარაზინის საკეტის ღია მდგომარეობაში: არანაკლებ 6 კნ. კარაზინის

საკეტის გახსნა: არანაკლებ 20 მმ. მასალა: ალუმინი. შესყიდვის ობიექტს უნდა გააჩნდეს EN362, UIAA სერთიფიკატები;

3. დაცვის ულვაში - 3 ცალი

მინიმალური ტექნიკური მოთხოვნები: დაცვის ულვაში მუშაობის დროს პოზიციონირებისათვის თოკის სიგრძის სარეგულირებელი ინსტრუმენტით.

სიგრძე 2 მეტრი. რეგულირების სისტემა საშუალებას იძლევა ზუსტად განისაზღვროს სიგრძე სამუშაო სადგურზე კომფორტული პოზიციონირებისთვის.

გამოიყენება დაცვის ქამარზე წინა მიმაგრების წერტილზე, როდესაც ანკერი მდებარეობს მომხმარებლის ზემოთ. სიგრძე რეგულირდება ინსტრუმენტის

სახელურის მოძრაობით, მაშინ როცა ღვედის თავისუფალი ბოლო ჩაკეტილია. ბოლოები აღჭურვილია პლასტიკური გარსით, რომელიც ინარჩუნებს

სარეგულირებელ ინსტრუმენტს ერთ ადგილზე და იცავს თოკს აბრაზიისაგან. მასალა: ნეილონი, პოლიესტერი, ალუმინი. წონა: 1200 გრ-დან 1300 გრ-მდე;

შესყიდვის ობიექტს უნდა გააჩნდეს EN358, EN12841 სერთიფიკატები;

4. თოკი სტატიკური 11მმ - 100 მეტრი

მინიმალური ტექნიკური მოთხოვნები: სტატიკური თოკი. დიამეტრი 10,5 მმ-დან 11 მმ-მდე. წონა 1მეტრის: არაუმეტეს 80 გრ.მ. UIAA სტანდარტით ვარდნის

რაოდენობა: მინიმუმ 18; დაგრძელება (50-150 კგ): არაუმეტეს 3.8 %; გამძლეობა: მინიმუმ 33 კნ. გამძლეობა კვანძებში: მინიმუმ 15 კნ. მასალა: PA, პოლიამიდი

ან ანალოგიური; შესყიდვის ობიექტს უნდა გააჩნდეს EN1891, UIAA სერთიფიკატები;

დამატებითი პირობები/მოთხოვნები შესყიდვის ობიექტთან დაკავშირებით:

• შესყიდვის ობიექტი უნდა იყოს ახალი (უხმარი - ექსპლუატაციაში არმყოფი), ქარხნული წარმოების და უნდა შეესაბამებოდეს ამ სფეროში არსებულ

სტანდარტებსა და ტექნიკურ ნორმებს; შესყიდვის ობიექტი უნდა იყოს მაღალი ხარისხის და უნდა გააჩნდეს სატენდერო პირობების 1.2 პუნქტით

გათვალისწინებული სერთიფიკატები.

• შესყიდვის ობიექტზე უნდა ვრცელდებოდეს გარანტია, კერძოდ: სატენდერო პირობების 1.2 პუნქტის 1-ლი, მე-2 და მე-3 პოზიციაზე მოცემულ საქონელზე

უნდა ვრცელდებოდეს გარანტია არანაკლებ 3 წლის ხანგძლივობით, ხოლო მე-4 პოზიციაზე მოცემულ საქონელზე კი არანაკლებ 1 წლის ხანგძლივობით.

საგარანტიო ვადის ათვლა დაიწყება მიღება-ჩაბარების აქტის გაფორმების თარიღიდან. საგარანტიო პერიოდის განმავლობაში დაზიანებული საქონლის

შეკეთება დაუშვებელია და უნდა განხორციელდეს დაზიანებული საქონლის უპირობო შეცვლა ახლით (უხმარი საქონლით). საქონლის შეცვლის გონივრული ვადა უნდა შეადგენდეს არაუმეტეს 5 სამუშაო დღეს წერილობითი მოთხოვნის გაგზავნიდან (მიმწოდებლის ელ.ფოსტაზე გაგზავნილი წერილობითი დასკანერებული PDF მოთხოვნა ჩაითვლება ამ ხელშეკრულებით განსაზღვრული მიზნებისათვის სრულფასოვან წერილობით მოთხოვნად); საგარანტიო პირობების ფარგლებში, კონკრეტულ დროსა და ვთარებაში შემსყიდველის საჭიროებიდან გამომდინარე დასაშვებია დაზიანებული საქონლის შეცვლა სხვა გაუმჯობესებული ტექნიკური პარამეტრების მქონე საქონლით, ამასთან ამგვარი ჩანაცვლება შეიძლება ატარებდეს დროებით ხასიათს მირითადი საქონლის ხელმისაწვდომობამდე ან იყოს მუდმივი - რაც დამოკიდებულია მხარეთა ზეპირ შეთანხმებაზე კონკრეტულ ვითარებაში.

• პრეტენდენტს შეუძლია მოთხოვნილი შესყიდვის ობიექტის მინიმალური ტექნიკური პარამეტრების გაუმჯობესება, თუმცა ამგვარი გაუმჯობესება დაუშვებელია რომელიმე სხვა მახასიათებლის/პარამეტრის გაუარესების ხარჯზე ან/და თავსებადობის რომელიმე პარამეტრის დარღვევის ხარჯზე. ასევე, მიღება-ჩაბარების ეტაპზე საქონლის იდენტიფიცირების მიზნით მასზე დატანილი უნდა იქნეს შესაბამისი ქარხნული წარწერა ან/და სტიკერი ან/და იარლიყი, რომელზეც მითითებულია შესყიდვის ობიექტის მოდელი ან მოდელის არარსებობის შემთხვევაში ე.წ. „part number” ან სხვა ქარხნული მაიდენტიფიცირებელი აღნიშვნა/მარკირება, რომელიც ასევე მითითებული იქნება „ფასების ცხრილში“.

• სატენდერო პირობების 1.2 პუნქტის მე-4 პოზიციის ფარგლებში შემოთავაზებული შესყიდვის ობიექტი უნდა იყოს გადაბმის გარეშე - ქარხნულად უწყვეტი 100 მეტრის ნაჭრის სახით;

1.3 ფასების ცხრილი/ხარჯთაღრიცხვა



PDF#1-xarjtagricxva.pdf

1.4 საქონლის მიწოდების/მომსახურების გაწევის/სამუშაოს შესრულების ვადა

ხელშეკრულების დადებიდან არაუმეტეს 30 კალენდარული დღე;

1.5 საქონლის მიწოდების/მომსახურების გაწევის/სამუშაოს შესრულების ფორმა და ადგილი

შესყიდვის ობიექტი შესაძლებელია მიწოდებული იქნეს როგორც ეტაპობრივად, ისე ერთჯერადად. შესყიდვის ობიექტი მიწოდებული უნდა იქნეს შემსყიდველის შემდეგ მისამართზე: ქ.თბილისი, მთაწმინდა, ფუნიკულიორის ზედა პლატო. მიწოდების პარალელურად წარმოდგენილი უნდა იქნეს მიწოდებული საქონლის შესაბამისი სასაქონლო ზედნაღები და სატენდერო პირობების 1.2. პუნქტით გათვალისწინებული ქარხნული წარწერა ან/და სტიკერი ან/და იარლიყი, რაც წარმოადგენს მიღება-ჩაბარების აქტის გაფორმების აუცილებელ პირობას;

1.7.1 მოთხოვნა საგარანტიო ვადის შესახებ

შესყიდვის ობიექტზე უნდა ვრცელდებოდეს გარანტია, კერძოდ: სატენდერო პირობების 1.2 პუნქტის 1-ლი, მე-2 და მე-3 პოზიციაზე მოცემულ საქონელზე უნდა ვრცელდებოდეს გარანტია არანაკლებ 3 წლის ხანგძლივობით, ხოლო მე-4 პოზიციაზე მოცემულ საქონელზე კი არანაკლებ 1 წლის ხანგძლივობით. საგარანტიო ვადის ათვლა დაიწყება მიღება-ჩაბარების აქტის გაფორმების თარიღიდან. საგარანტიო პერიოდის განმავლობაში დაზიანებული საქონლის შეკეთება დაუშვებელია და უნდა განხორციელდეს დაზიანებული საქონლის უპირობო შეცვლა ახლით (უხმარი საქონლით). საქონლის შეცვლის გონივრული ვადა უნდა შეადგენდეს არაუმეტეს 5 სამუშაო დღეს წერილობითი მოთხოვნის გაგზავნიდან (მიმწოდებლის ელ.ფოსტაზე გაგზავნილი წერილობითი დასკანერებული PDF მოთხოვნა ჩაითვლება ამ ხელშეკრულებით განსაზღვრული მიზნებისათვის სრულფასოვან წერილობით მოთხოვნად); საგარანტიო პირობების ფარგლებში, კონკრეტულ დროსა და ვთარებაში შემსყიდველის საჭიროებიდან გამომდინარე დასაშვებია დაზიანებული საქონლის შეცვლა სხვა გაუმჯობესებული ტექნიკური პარამეტრების მქონე საქონლით, ამასთან ამგვარი ჩანაცვლება შეიძლება ატარებდეს დროებით ხასიათს მირითადი საქონლის ხელმისაწვდომობამდე ან იყოს მუდმივი - რაც დამოკიდებულია მხარეთა ზეპირ შეთანხმებაზე კონკრეტულ ვითარებაში;

▼ ტექნიკური მოთხოვნები

2.1.1 მოთხოვნა შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით

შემოთავაზებული საქონლის მწარმოებელი ქვეყნის, ასევე მწარმოებელი კომპანიის (ან სავაჭრო მარკა) ან/და მოდელის (მოდელის არარსებობის შემთხვევაში ე.წ. „part number”-ის ან სხვა ქარხნული მაიდენტიფიცირებელი აღნიშვნის/მარკირების) მიუთითებლობა გამოიწვევს პრეტენდენტის უპირობო დისკვალიფიკაციას დაუუსტების პროცედურის გარეშე;

2.7.1 მოთხოვნა ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტების შესახებ

შესყიდვის ობიექტი უნდა იყოს მაღალი ხარისხის და უნდა გააჩნდეს სატენდერო პირობების 1.2 პუნქტით გათვალისწინებული სერთიფიკატები;

2.9 სხვა დამატებითი მოთხოვნები

პრეტენდენტმა უნდა წარმოადგინოს შემდეგი დოკუმენტაცია:

- პრეტენდენტმა უნდა წარმოადგინოს საბანკო რეკვიზიტები (ბანკის კოდი და ანგარიშის ნომერი) – მხოლოდ იმ შემთხვევაში თუ ამგვარი მონაცემები არ აქვს მითითებული ელ.სისტემის შესაბამის მოდულში „მიმწოდებლის“ პროფილში;
- პრეტენდენტმა უნდა წარმოადგინოს ხარჯთაღრიცხვა/ფასების ცხრილი სატენდერო დოკუმენტაციის (სატენდერო პირობების) მოთხოვნების შესაბამისად, დღე-ს გათვალისწინებით. ამასთანავე, ერთეულის და ჯამური ფასების ათწილადის ფორმით მითითების შემთხვევაში, იგი დამრგვალებული უნდა იქნეს არაუმეტეს ათეულის სიზუსტით - ანუ მძიმის შემდეგ მაქსიმუმ ორი ციფრი;
- პრეტენდენტმა უნდა წარმოადგინოს შემოთავაზებული შესყიდვის ობიექტის ქარხნული ტექნიკური მახასიათებლები (ე.წ. „Data Sheet“) სატენდერო პირობების 10.1 პუნქტის მე-3 პოზიციის შესაბამისად ან/და მიუთითოს მწარმოებლის (ან მსოფლიოს რომელიმე რეგიონში/ქვეყანაში მწარმოებლის ოფიციალური წარმომადგენლობის) შესაბამისი ვებ-გვერდის ინტერნეტ ლინკი (მათ შორის დასაშვებია კონკრეტულ ლინკზე ატვირთული PDF ან სხვა ფორმატის ფაილები), სადაც იდენტიფიცირებულია ამგვარი მონაცემები ქართულ ან/და რუსულ ან/და ინგლისურ ენაზე; სატენდერო პირობებით განსაზღვრული შესყიდვის ობიექტის ტექნიკური მოთხოვნებისა და შემოთავაზებული საქონლის ტექნიკური პარამეტრების შესაბამისობის დადგენის მიზნით, პრეტენდენტის მიერ წარმოდგენილ ე.წ. „Data Sheet“-ში მოცემული უნდა იქნეს ყველა ის ტექნიკური პარამეტრი, რომელიც განსაზღვრულია სატენდერო პირობების 1.2 პუნქტით, ხოლო თუ წარმოდგენილ ე.წ. „Data Sheet“-ში რომელიმე ტექნიკური პარამეტრი მითითებული არ არის, მიმწოდებელი ვალდებულია დამატებით წარმოადგინოს წერილი ან/და სხვა დოკუმენტი უშუალოდ მწარმოებლისაგან, რომელშიც მითითებული იქნება ამგვარი პარამეტრები;
- პრეტენდენტმა უნდა წარმოადგინოს შემოთავაზებული შესყიდვის ობიექტის სერთიფიკატები, რომლებიც მითითებულია სატენდერო პირობების 1.2 პუნქტში (სერთიფიკატები წარმოდგენილი უნდა იქნას სატენდერო პირობების 10.1 პუნქტის მე-3 პოზიციის მოთხოვნათა დაცვით) ან/და მიუთითოს მწარმოებლის (ან მსოფლიოს რომელიმე რეგიონში/ქვეყანაში მწარმოებლის ოფიციალური წარმომადგენლობის) ან სერთიფიკატის გამცემი ორგანოს (სერთიფიცირების ორგანოს) ან ამგვარი სერთიფიკატების ერთიანი (საერთაშორისო წვდომისა და გამოყენების) ბაზის მწარმოებელი ორგანოს შესაბამისი ვებ-გვერდის ინტერნეტ ლინკი, რომელზეც ატვირთულია ამგვარი სერთიფიკატი PDF ან სხვა ფორმატის ფაილების სახით ქართულ ან/და რუსულ ან/და ინგლისურ ენაზე;
- პრეტენდენტმა უნდა წარმოადგინოს ინფორმაცია საგარანტიო ვადებისა და პირობების შესახებ - წუნდებული საქონლის შეცვლის გონივრული ვადები, და ასევე არასაგარანტიო პირობები (როგორ დაზიანებაზე არ ვრცელდება გარანტია). ამ პუნქტის ფარგლებში წარმოდგენილი ინფორმაცია არ უნდა ეწინააღმდეგებოდეს სატენდერო დოკუმენტაციის (სატენდერო პირობების) 1.7.1. პუნქტში განსაზღვრულ მოთხოვნებს. თუ პრეტენდენტის მიერ არ იქნება წარმოდგენილი ინფორმაცია აღნიშნულთან დაკავშირებით, მაშინ ჩაითვლება რომ პრეტენდენტი სრულად ეთანხმება სატენდერო პირობებში განსაზღვრულ მოთხოვნებს;

ფასწარმოქმნის ადეკვატურობის დამადასტურებელი დოკუმენტ(ებ)ი

4.1.1 მოთხოვნა ფასწარმოქმნის ადეკვატურობის დამადასტურებელი დოკუმენტ(ებ)ის შესახებ

ფასწარმოქმნის ადეკვატურობა შესაძლებელია დასაბუთდეს სსიპ “ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული საექსპერტო დაწესებულების (ასეთ შემთხვევაში წარმოდგენილი უნდა იქნეს აკრედიტაციის დამადასტურებელი დოკუმენტი ან სხვა დოკუმენტი, რომლითაც შემსყიდველს ექნება შესაძლებლობა დარწმუნდეს პირის მიერ შესაბამის სფეროში უფლებამოსილებაში) ან აუდიტორული კომპანიის (ასეთ შემთხვევაში წარმოდგენილი უნდა იქნეს აუდიტორული საქმიანობის წარმოების დამადასტურებელი დოკუმენტი ან სხვა დოკუმენტი, რომლითაც შემსყიდველს ექნება შესაძლებლობა დარწმუნდეს პირის მიერ შესაბამის სფეროში უფლებამოსილებაში) დასკვნის საფუძველზე; ან/და პრეტენდენტის მიერ სხვა მიმწოდებლისათვის ანალოგიური (ანალოგიურად მიიჩნევა თითქმის იდენტური ტექნიკური მახასიათებლების საქონელი) საქონლის იმავე ან უფრო ნაკლებ ფასად მიწოდების დამადასტურებელი ხელშეკრულებით და შესაბამისი მიღება-ჩაბარების აქტით ან საგადასახადო ანგარიშგაქტურით ან სასაქონლო ზედნადებით; ან/და პრეტენდენტის მიერ ტენდერში შემოთავაზებული კონკრეტული საქონლის მნიშვნელოვნად ნაკლებ ფასად შესყიდვის დამადასტურებელი ხელშეკრულებით და მიღება-ჩაბარების აქტით ან/და საგადასახადო ანგარიშგაქტურით ან/და სასაქონლო

ზედნადებით, ან/და იმპორტის შემთხვევაში - იმპორტის დამადასტურებელი იმგვარი დოკუმენტი (საბაჟო დეკლარაცია ან/და წინასწარი ინვოისი ან/და ხელშეკრულება ან სხვა), რომელიც იძლევა შესყიდვის ობიექტის, მისი ფასის (ტრანსპორტირების ჩათვლით ან ტრანსპორტირების ღირებულების ცალკე გამოყოფით), და უშუალოდ შემსყიდველის იდენტიფიცირების საშუალებას;

ამასთანავე საგულისხმოა, რომ ფასთწარმოქმნის ადეკვატურობის დადასტურების მიზნით წარმოდგენილ დოკუმენტაციასთან ერთად ასევე წარმოდგენილი იქნეს სატრანსპორტო ხარჯთან დაკავშირებული შესაბამისი კალკულაცია მხოლოდ იმ შემთხვევაში თუ მოცემული დოკუმენტები არ მოიცავს ტრანსპორტირების ღირებულებას.

პრეტენდენტის მიერ ფასთწარმოქმნის ადეკვატურობის დასაბუთების მიზნით განსაზღვრული დასკვნის წარმოდგენის შემთხვევაში, ფასწარმოქმნის ადეკვატურობის შეფასება გაკეთებული უნდა იყოს შეფასების მომენტისთვის არსებული მდგომარეობის განხილვის შედეგად მიღებული მონაცემების გათვალისწინებით და არა სამომავლოდ განსახორციელებელ მანიპულაციაზე ან მომავალში ჩასატარებელ რაიმე ღონისძიებაზე ან მოვლენაზე დაყრდნობით;

4.1.2 ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან 3 სამუშაო დღის ვადაში

▼ ანგარიშსწორების პირობები

7.2 ეტაპობრივი ან/და საბოლოო ანგარიშსწორების განხორციელების პირობები

ანგარიშსწორება განხორციელდება მიწოდებული საქონლის ოდენობის შესაბამისად, მიღება-ჩაბარების აქტის გაფორმების, (მათ შორის ქარხნული წარწერის ან/და სტიკერის ან/და იარლიყის წარმოდგენის შემდგომ), სასაქონლო ზედნადების და საგადასახადო ანგარიშგატურის წარმოდგენის შემდგომ (საგადასახადო ანგარიშგატურის წარმოდგენის მოთხოვნა ვრცელდება მხოლოდ დღგ-ს გადამხდელად რეგისტრირებულ მიმწოდებელზე);

7.3 ეტაპობრივი ან/და საბოლოო ანგარიშსწორების განხორციელების ვადები

ანგარიშსწორება განხორციელდება მიღება-ჩაბარების აქტის გაფორმების, სასაქონლო ზედნადების და საგადასახადო ანგარიშგატურის სრულყოფილად წარმოდგენიდან 10 კალენდარული დღის ვადაში;

▼ ხელშეკრულების პროექტი

8.1 ხელშეკრულების პროექტი



▼ საკონტაქტო პირის შესახებ ინფორმაცია

9.1 სატენდერო კომისიის აპარატის საკონტაქტო წევრის ვინაობა და მონაცემები

დავით ტაბლიაშვილი, 577243444, dtabliashvili@yahoo.com შესყიდვის ობიექტთან დაკავშირებით ტექნიკური საკითხებზე დამატებითი კითხვების შემთხვევაში საკონტაქტო პირები არიან: თამაზ სვანიძე, 595 935893, t.svanidze@tvrcenter.ge

▼ დამატებითი ინფორმაცია/დოკუმენტები

10.1 დამატებითი ინფორმაცია/დოკუმენტები

• ხელშეკრულება მიმწოდებელთან დაიდება ამ სატენდერო დოკუმენტაციის (სატენდერო პირობების) მე-8 პუნქტში წარმოდგენილი ფორმის და პირობების შესაბამისად. ხელშეკრულების პროექტი შეიცავს იმ აუცილებელ პირობებს, რომლებიც შემსყიდველისათვის წინასწარ არის ცნობილი. ამდენად, პრეტენდენტის გამარჯვების შემდეგ, ხელშეკრულების დადებისას წარმოდგენილი ხელშეკრულებიდან რაიმე პუნქტის ამოღება/შეცვლა (რაც არსებით გავლენას მოახდენს ხელშეკრულების შინაარსზე) დაუშვებელია; თუმცა მხოლოდ შემსყიდველისა და გამარჯვებული პრეტენდენტის ურთიერთშეთანხმებით დასაშვებია ნებისმიერი იმგვარი პუნქტის/დებულების/ჩანაწერის დამატება, რომელიც არ ეწინააღმდეგება უკვე წარმოდგენილი ხელშეკრულების პუნქტებს;

- „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მოთხოვნათა შესაბამისად, შემსყიდველი ორგანიზაციები და შესყიდვებში მონაწილეობის მსურველები/პრეტენდენტები/მიმწოდებლები 2019 წლის 1 იანვრიდან ვალდებული არიან სახელმწიფო შესყიდვებში ერთიან ელექტრონულ სისტემაში ასატვირთ ელექტრონულ დოკუმენტებზე შესარულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამპით. აღნიშნული წესით შესრულებული დოკუმენტი იურიდიული ძალის მქონეა. სხვადასხვა დოკუმენტის ელექტრონულად დამოწმება შესაძლებელია შემდეგი ფორმით: სატენდერო წინადადებისა თუ დაზუსტებული ინფორმაციის ელექტრონულად წარსადგენად საჭიროა თავფურცელის (წერილის სახით) უფლებამოსილი პირის მიერ ელექტრონულად ხელმოწერილი ან ორგანიზაციის ელექტრონული შტამპით დამოწმებული სახით მომზადება, რომელშიც მითითებული იქნება, რა მიზნით წარადგენთ დოკუმენტებსა თუ ინფორმაციას და აქვე ჩამოთვლით იმ დოკუმენტებსა თუ ინფორმაციას, რომლის წარმოდგენასაც გეგმავთ სატენდერო წინადადებისა თუ დაზუსტებული ინფორმაციის სახით. ასეთ შემთხვევაში წერილის დანართი(ები) არ საჭიროებენ ელექტრონულად დამოწმებას. ერთიან ელექტრონულ სისტემაში ასეთი სახით წარმოდგენილი დოკუმენტაცია ჩაითვლება ელექტრონულად დამოწმებულად;
- ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. უცხოენოვან დოკუმენტსა და მის ქართულ ენაზე შესრულებულ თარგმანს შორის შეუსაბამობის შემთხვევაში, პრიორიტეტი მიენიჭება ქართულ ვარიანტს.
- პრეტენდენტს არ აქვს უფლება წარმოადგინოს ალტერნატიული წინადადება;
- შესყიდვის ობიექტთან დაკავშირებით ტექნიკური საკითხებზე დამატებითი კითხვების შემთხვევაში საკონტაქტო პირები არიან: თამაზ სვანიძე, 595 935893, t.svanidze@tvrcenter.ge

🔍 სატენდერო პირობების დამტკიცების შესახებ სატენდერო კომისიის სხდომის ოქმი

11.1 სატენდერო პირობების დამტკიცების შესახებ სატენდერო კომისიის სხდომის ოქმი



ოქმი #1.PDF

ფასების ცხრილი – შპს მოგზაურის შეთავაზება

N	მოთხოვნილი შესყიდვის ობიექტის დასახელება	შემოთავაზებული საქონლის მწარმოებელი ქვეყანა	შემოთავაზებული საქონლის მწარმოებელი კომპანია	შემოთავაზებული საქონლის მოდელი	საქონლის ტექნიკური პარამეტრები (ტექნიკური დავალება)	რაოდ.	ერთ. ფასი (ლარი)	საერთო ფასი (ლარი)	მწარმოებლის ვებ- გვერდის ინტერნეტ ლინკი
1	დაცვის ქამარი (ჩასაჯდომი და მკერდის)	საფრანგეთი	Petzl	AVAO® SIT + TOP	კომფორტული ჩასაჯდომი დაცვის ქამარი მუშაობის დროს პოზიციონირებისთვის და დასაკიდებლად. სპეციფიკაციები: ვენტრალური (მუცლის) მიმაგრების წერტილით: მიერთება დასაშვებ მოწყობილობასთან ან პოზიციონირების ღვედთან ერთ რეჟიმში გამოსაყენებლად. გვერდითი მიმაგრების წერტილებით: მიერთება პოზიციონირების ღვედთან ორმაგ რეჟიმში გამოსაყენებლად. უკანა მიერთების წერტილით წელის ქმარზე: მისაბმელ (შემოსაჭერ) ღვედთან მისამაგრებლად. მასალა: ნეილონი, პოლიესტერი, ალუმინი, ფოლადი. პირველი და მეორე ზომა. პირველი ზომის წონა: 1175 გრ. მეორე ზომის წონა: 1190 გრ. სერთიფიკატები: EN 358, EN 813. + TOP - მკერდის დაცვის ქამარი ჩასაჯდომი დაცვის ქამრებისთვის. სპეციფიკაციები: მასალა: ნეილონი, პოლიესტერი, ალუმინი, ფოლადი. ჩასაჯდომ ქამრებს უერთდება უკანა მიმაგრების წერტილებით და იკვრება მუცელთან. მხრების სარტყელების თვითჩამკეტი ორმაგი ბალთებით უფრო ადვილი გახსნა-ჩაკეტვისთვის. წონა: 660 გრ. სერთიფიკატები: EN 361 (AVAO SIT, FALCON, FALCON MOUNTAIN, SEQUOIA SRT ჩასაჯდომ დაცვის ქამრებთან გამოყენების დროს). ჩასაჯდომი და მკერდის დაცვის ქამრების გარანტია 3 წელი.	2	990	1980	https://www.petzl.com/INT/en/Professional/Harnesses/AVAO-SIT https://www.petzl.com/INT/en/Professional/Harnesses/TOP
2	კარაბინი	საფრანგეთი	Petzl	OK TL	კარაბინი ავტომატური ჩამკეტით. წონა: 75 გრ. გამძლეობა მთავარი ღერძის მიმართულებით: 25კნ. გამძლეობა მცირე ღერძის მიმართულებით: 8 კნ. გამძლეობა კარაბინის საკეტის ღია მდგომარეობაში: 7 კნ. კარაბინის საკეტი გახსნა: 22 მმ. მასალა: ალუმინი. სერთიფიკატები: EN 362, UIAA. გარანტია 3 წელი.	9	65	585	https://www.petzl.com/INT/en/Professional/Connectors/OK

3	დაცვის ულვაში	საფრანგეთი	Petzl	GRILLON MGO	დაცვის ულვაში მუშაობის დროს პოზიციონირებისათვის თოკის სიგრძის სარეგულირებელი ინსტრუმენტით. სიგრძე 2 მეტრი. რეგულირების სისტემა საშუალებას იძლევა ზუსტად განისაზღვროს სიგრძე სამუშაო სადგურზე კომფორტული პოზიციონირებისთვის. გამოიყენება დაცვის ქამარზე წინა მიმაგრების წერტილზე, როდესაც ანკერი მდებარეობს მომხმარებლის ზემოთ. სიგრძე რეგულირდება ინსტრუმენტის სახელურის მოძრაობით, მაშინ როცა დვედის თავისუფალი ბოლო ჩაკეტილია. ბოლოები აღჭურვილია პლასტიკური გარსით, რომელიც ინარჩუნებს სარეგულირებელ ინსტრუმენტს ერთ ადგილზე და იცავს თოკს აბრაზიისაგან. მასალა: ნეილონი, პოლიესტერი, ალუმინი. წონა: 1220 გრ. სერთიფიკატები: EN 358, EN 12841 ტიპი C. გარანტია 3 წელი.	3	575	1725	https://www.petzl.com/INT/en/Professional/Lanyards-and-energy-absorbers/GRILLON-MGO
4	თოკი სტატიკური 11 მმ	ჩეხეთი	Tendon	TENDON STATIC 11.0	სტატიკური თოკი. დიამეტრი 11 მმ. წონა: 80 გრ.მ. UIAA სტანდარტით ვარდნის რაოდენობა: 20. დაგრძელება (50 - 150 კგ): 3.7 %. გამძლეობა: 33 კნ. მიწ. გამძლეობა კვანძებით: 20 კნ. შედგომა: 1.9 %. მასალა: PA, პოლიამიდი. ტიპი A. სერთიფიკატები: EN 1891, UIAA. გარანტია 1 წელი.	100	9	900	https://www.mytendon.com/en/tendon-static-11-0-bila/p-290/
სულ ჯამი ლარი								5190	

ინფორმაცია სერთიფიკატების შესახებ:

მოთხოვნილი EN სერთიფიკატების მისაღებად გთხოვთ ეწვიოთ მითითებულ ინტერნეტ ლინკებს. პირველი, მეორე და მესამე პოზიციისთვის, გვერდის დაბლა ნაწილში იხილეთ Technical information > Declaration Of Conformity და ჩამოტვირთეთ გვერდზე მიმაგრებული სერთიფიკატები (pdf ფაილები). მეოთხე პოზიციისთვის, ასევე გვერდის დაბლა ნაწილში იხილეთ FILES FOR DOWNLOAD და + ნიშანზე დაწკაპუნებით ჩამოტვირთეთ სერთიფიკატი ან/და Declaration of Conformity (pdf ფაილები). რაც შეეხება UIAA სერთიფიკატებს მეორე და მეოთხე პოზიციებისთვის, გთხოვთ ეწვიოთ UIAA-ს (Union Internationale des Associations d'Alpinisme - ცოცვისა და მთამსვლელობის საერთაშორისო ფედერაცია) ოფიციალურ ვებ გვერდს <https://www.theuiaa.org/> და გაიაროთ შემდეგი საფეხურები სერთიფიკატების ჩამოსატვირთად: SAFETY > UIAA SAFETY STANDARDS FULL LIST > Check Our Database CERTIFIED EQUIPMENT და ძეგნის ველში მიუთითოთ: მეორე პოზიციისთვის – Brand Name – Petzl-Charlet Moser, Product Name - OK და დააჭიროთ ძეგნას. სასურველ საქონელს იხილავთ რიგით მეოთხეს – Connectors M33A TL/ M33A TLN OK Triact Lock და View-ზე დაჭერით შეძლებთ სერთიფიკატის ჩამოტვირთვას (pdf ფორმატი). იგივე პრინციპით შეძლებთ მეოთხე პოზიციის – სტატიკური თოკის UIAA სერთიფიკატის მიღებას, ამჯერად Brand Name – Tendon, Equipment - Low Stretch Ropes და ძეგნაზე დაჭერით იპოვით სასურველ პროდუქტს – რიგით მე-13-ე Low Stretch Ropes PAG 48/4700/Tan/1... Tendon Static Tendon 11 mm. ამჯერადაც, View-ზე დაჭერით შეძლებთ სერთიფიკატის ჩამოტვირთვას (pdf ფორმატი).

შპს მოგზაურის დირექტორი მამუკა ნიკოლაძე